



Ассаламу аьлайкум, дустал

ХХЯХХА БАРГЪ

Лакрал райондалул кказит. Ита бакълай 96-сса шин.

12+

ЗАРЯ

Нюжмар
28 декабря
2018 ш.

№1

www.zaria-online.ru
gazetazary@mail.ru

Счастливого Нового года!



ХІурмат лавайсса райондалул жамят!

Обрмулуну духлай дур 21-мур аьсрулул 19-мур шингу. Ціушинал бухкІуллий, ціу-ціусса хияллашлал "Лакрал район" МРданул администрациялул ва ттула чулуха, зун, ххиирасса миллат, чІатІий ура яла язими ххуйшивуртту ва ххаришивуртту, талихІрал кьапурду тІитІаву ва дакІнил хияллу дув-зрайн буккаву.

Жува щалла дунияллийх цІа дурксса миллатрал Буттал улча буруччултру!

Жува жула буттахъал ссихІ бигълай, уздан буллай, буручлай бивкІсса обрмулул кюру хъиннува гъели бавриха зузимиру!

Му бюхттулсса цІа щяв кьадишин, хъиннура яргну дачин дан жула циняннал хІакьсса буржри.

Барча буллаи ура райондалул циняв агъалий, дьавилул ва зхІматрал ветерантал, кьуллугъчитал ва интеллигенция, жагьилтал ва дуклаки обрчІру, ризкьичитал ва кьурнил зузалт, ишбажаранчитал ва пиша-

картал Ціусса 2019 шинашлал! ДакІнил мурадирттайн биллай, гьарца иширттаву тІайлабацІу хъанай тІайла дуккан нясив баннав ва шингу.

Жущала ціусса шинавун буххан нясив кьабувминналгу рухІру Алжаннул ххари даннав!

Хъуни-хъунисса хъхъичІуннайшивуртту райондалий дан бювхъуну, минну пахурду буллаи бакъанугу жула агъалинал багъу-бизу ххуй бансса, маэшат лавай бансса давуртту цин лархъхъусса дан бювхъунни. Миннуха зузиссару ва зунтІиссару, хІисавравун лас-ласиссару жамьирттал мурад-тІалавшинну, хъхъичІ базилух ххуттавун ласунмур.

Ціусса шин ххуй ххуйсса, ціу-ціусса хъиялал дайдихъу духъукун хъинмунийн букканнав гьарцаннал дакІниймур.

Ю.ХІ.МахІаммадов,
"Лакрал район" МРданул баакІчи.

ХІурмат бусса даврил уртакътал!

Жула ялун дирсса Ціусса шинал дайдихъулий зу, жула яла хъунмур ххазина - дуклаки обрчІан кІулишивурттал кьапурду тІитІлатІими, зу, жула буттахъал, буттал-буттахъал, миллатрал цІанихсса ирс буруччинну ялун нанисса ник тарбия дуллалими, зу, жула чІивитІухъул ттунгъа буллаи, най бунува жамьатраву, цивппа кунминнаву зана-кьулу хъанан лахъхъин буллалими, зу, дуккаврил идарттай ликкурттай бавцІуну обрчІаха кьуллугъ баврил шартІру дуручлалими

дакІнихтуну барча буллаи ура 2019-мур шин дайдишавришлал.

ЧІатІий ура зул, захІматсса ва хъинну жаваблусса, ккаккиарттал ххари буллалисса давурттай, хъуни-хъунисса тІитІаларду, тІайлабацІу. Ужагъиирттай талихІ ва тирханну.

Дуллалимур дувзрайн дуккаву, дакІнил мурадру барт лагаву, буллугъсса, лахъисса обрму.

Явсуна ХІамзаев,
УО-рал начальник.

ХІурмат бусса кказит чичайми ва буккайми, макьалартту чичайми, кказитрал дувстал!

ДакІнихтуну барча буллаи буру зу обрмулуну ша лавсъсса 2019 шинашлал.

Зул кІунттихъсса магъиришиврул кьаламрайну, пикри-зикри, пишалул кьютІшивуртту, ас-намусрал лишанну, законнаву ціумур, тарихраву бюхттулмур чивчуну агъалинал хъхъичІун буккан баву, цаманал чивчумунил мяъна лаласаву - му хъунмасса пагъму-гъунарни, за кІулишивур, дакІ аьчухшивур, халкъ ххирашивур.

Миллатрал мазралгу, кказитралгу нахІушиву, мурадру ва буруккинтру чІалачІаву, чІарав бацІаву чумартшиврул, ляхъу кюру, мунил вилах дуруччаврил аслийсса лишаннури, дугъришивури.

Барачатшиву, нахІу-хІалашиву, буллугъшиву ва талихІ багъаннав зул кулпатирттавун, зун ххираминнал ва зу ххиравминнал ужагъирттайн Ціусса шинаву!

Ціусса ххаришивурттая, даврил тІайлабацІурдая ххарину битаннав!

"Ххяххабургъил" редакция.

ХІурмат лавайсса агъали!

Барча хъуннав, барачатну дуркІун ляхъиннав ялун дирсса 2019-мур шин. Му зул кьатравун духханнав буллугъшивурушлал, хъинбалдаращлал, талихІращлал.

Ціуллусса чурхругу, марцІ пикрирдугу, чаннасса зул симаннугу тачІав гъав кьалаганнав!

Зул вакилтал, варистал хІисаврайгу, укунмагу жу буржлувссару зул обрмулул тІин-тІаан, маэшат ххуй бавриха, зул мурадру щаллу бавриха зун.

ДакІнил хияллу щаллу хъанай, рахІатну гъаннав, щала Ціусса шин.

Зул хІурматрайсса Ш.Шурнаев,
райондалул Собраниялул председатель.

Барча Ціусса шин

Райондалул бугъараминнал (старейшины) Советрал ва ветерантурал Советрал чулуха барча буллаи буру цинявппагу райондалул шярваллал жамьатру, бугъараминнал ххуттавун багъми ялун дуркІсса 2019мур шинашлал.

ЧІатІий буру зун хъхъичІва-хъхъичІ цІакьсса ціуллушивурушлал лахъисса обрму. Хъирих нанисса ник тарбия даврихун хъиннува машхул хъунсса гъира, кьудрат ва каша.

Зу зула авладрал, наслулул, заманалул ххари буллаи битаннав!

КІивагу Советирттал председательтал:
Даниял Магъдиев ва Сулайман ХІажиев.

Цушинал бигъалагай гъантри

Цукун бигъалагантлссару жува Цлушинал гъантрай? Хлукуматрал хлукму бувну, цлушинал каникуллу дайдишинтлий дур декабрьданул 30-ний. Къуртал хъунтлий дур 2019 шинал январьданул 8-ний.

Декабрьданул 29-ний зунтлий бур 31-мур къинилухлу. Амма, зузи къини 1 ссятрал кутла дурну дур.

Январьданул 5, 6-нийсса бигъалагай къинирду ларсун дур майрал 2, 3-нийн.

Даврийн буккантлий буру январьданул 9-ний.

Щала 2019-ку шинал тлурча 365 гъантлува бигъалагай къинирдугу, байраннал къинирдугу аьмну ларсун, зукъазисса гъантри хъунтлий бур 118.



Цлусса шинал бахшишру

Телевидение цифралул лагрулийн дучлавриа

Уттигъанну Аьрасатнал Федерациялул Хлукуматрал заседаниелий ххалбивгъуна “О переходе на цифровой формат телевизионного вещания в Российской Федерации” тлссса масъала. Муний къамул бувна “аналоговое вещание” дацлан дансса члун цамур ккаккан дансса, мукунна “эфирная наземная аналоговая трансляция” чан-чанну тлий чан дансса хлукму. Мукунсса план-график цлакъ бантлссар ва бишунтлссар члал къавхъуну Аьрасатнал Федерациялул Хлукуматрал.

Му план-графикрайн бувну цалсса къаст дур Аьрасатнал Федерациялий “аналоговое вещание” дацлан дан шамила ялу-ялун чан дулла: 2019 шинал февральданул 11-ний, апрельданул 15-ний ва июньданул 3-ний. Федерациялул информациялул бувчлин баврил компаниялу (гихуннай - ИРК) биклантлссар мукунма цаппара щачлантту, мигу бачин бантлссар Аьрасатнал Федерациялул Хлукуматрал ккаккан бувсса план-графикрай.

Вай иширттайн багъайсса рекламалул модулла пакет сакин бувну буссар цлус-

са шинал байрамрал гъантрайсса тагъаргу хлсавравун ларсун. Мунин дирзун дур “20 подарков каждому россиянину” тлссса цла - федерациялул каналлал аьдадах бурувгун. Муниву дур аудио-, видеоматериаллу, мукунна къатлув диклайсса рекламалул блок. Му бло-краву дур “тизер” (компаниялул дайдихъулий дукланса рекламалул баян баву, инсантал муних къулагъас дан бансса мурадрайсса) ва агъаммур пакет.

ИРК-лул дайдихъу укунса сценарийрай щаллу дарча хъинни. Регионнай къатлувсса реклама дишаву:

2018ш. декабрьданул 10-ния 23-ннинин - агъаммур блок, цалчинмур бутла. Агъаммур даву - “20 новогодних подарков каждому россиянину - 20 бесплатных каналов в цифровом качестве”. Мурад - агъалинан клул баву цифралийн клура бавну хъиншивву;

2018ш. декабрьданул 24-ния 2019 шинал январьданул бачиннин бианнин - агъаммур блок, клилчинмур бутла. Агъаммур даву - “А вы готовы получить 20 подарков? Проверьте свой телеви-

зор для приема 20 бесплатных каналов в цифровом вещании”. Мурад - агъали дахханашивурттайн хадур хъун бан кумаг баву.

Агъаммур къулагъас дан аьркинссар агъаммур бло-крах. Му дайдирихъунни декабрьданул 10-ний. Му къининин хладур бувссар регионнал теле- ва радиоканалланса аудио- ва видео-роликирдал пакет.

Мунишала федерациялул радио- ва телеканаллай ита-дакъин аьркинссар гъартасса ИРК, видео- ва аудиороли-кргу ишла бувну. Мукунса информациялул-бувчлин баврил давуртту дулла, гъарца кланай электронный ва печатрайсса СМИ-лий ришларча, инсантурал вай дахханашивуртту ххуйну къамур дантлссар, агъали-нан ва давриягу ххуйну клул хъунтлссар. Гихунмайсса шанма щачлантту ишла дансса рекламалул модулу (аудио-, видеоматериаллу ва къатлув лахъайсса реклама) цлана хладур дулла буссар ва гъан дантлссар. Къатлув лахъайсса рекламарду ишла дан аьркинссар регионнай-са социальный рекламалун личли бувсса кланттурдай.

МВД-лул Лакрал МО

Операция “Пиротехника”

Цлусса шинал байран дучлан хъхъичлсса гъантрай къатлув, кличлирттаву ялу-ялун члявуну баллан биклай пъякъ учин дулла-лимунил члурду. Муния-ту агъамсса масъала бур, цукун, чув, щил дурссарив къаклулсса, качество яларайсса, инсантурал оьрмулун, цлулушиврун нигъачлаву дусса пъякъ учин дайсса затру (пиротехника) жучлара дахлан къабитаву.

Мукунсса затру чляруми жучланна дурклун дур Къиблалул-Баргъбуккавал Азиянал билайтиртта баъбаххуллурдайх (контрабанда), ми ишла дан бу-члссса дурив специалистурал ххал къадурнура, ишла дуллалани оьрмулун нигъачлаву дакъасса дурив клул къабувнува. Пъякъ учай затру члявуну ишла дулла-й бур хулиганшиву дан члявусса инсантал бавтлусса кланттурдай, дуккавил идарарттай, жамятрал транспортрай. Мукунсса иширттая инсантал рязину къабиклай.

РД-лул виваллил иширт-

талсса байсса Министерстволул буюрданийсса тла-лавшиннурду биттур дан, 2018 шинал декабрьданул 12-ния 2019 шинал январьданул 13-нин Дагъусттан Республиклул аьрщарай буллалиссар “Пиротехника” тлссса оперативно-про-филактический операция. Полициялул зузалтрайн тапшур бувну буссар пъякъ учин дайсса затру (пиротехника) дахлахисса кланттурду клул буллан ва ми дахлан къабитан. Пъякъ учин дайсса затру дахлахи-минначла биклан аьркин-сар цанма ккаккан бувсса кланай ми дахлан ихтияр дуллалисса документру. Оьрчлайн щавурду къадилланшиврул, балугъравун къабивсса оьрчлан ми дахлангу къабитан ялув ба-цлантлссар.

Ва масъалалин багъайсса агъамсса документ бур РФ-лул Хлукуматрал 2009 шинал декабрьданул 22-ний бувсса №1052 хлукму: “Об утверждении требований пожарной безопасности при распространении и исполь-

зовании пиротехнических изделий”. Му хлукмулий къадагъа дирхъун дур пъякъ учин дай затру дахлан:

а) къатравусса, вокзал-лайсса (гъавалул, муххал ххуллул, хъхъирирдал, неххардил станциярдай, метро-рал станциярдал ялувсса жанахлирттаву, кличлирт-тал тийн-шийн лахъайсса ххуллул лултту ягу ялттуса кланттурдай ва аьрщарал лувсса цайми кланттурдай, мукунма циняннал ишла дайсса транспортрай ва пожар хъунсса нигъачлаву дусса производволул объектирдал аьрщарай) маша бай кланттурдай;

б) 16 шин къархъуминнан (агар ми дурминнал цала ккаккан дурну даакъахъурча оьрмулул цайми шинну);

в) миннул лишанну чирчусса чагъар баъбахъурча (бакъа хъуну бухъурча), ми ишла дайсса члун дурккун духъурча, ми зия хъусса лишанну духъурча ва ми ишла дайсса куц чивчусса чагъар, чарабакъа диклан аьркин-са сертификат ягу лишан дакъахъурча.

Кличлларгсса низам зия дурну лякъирча, жаваблущин дуссар РФ-лул административный низам зия давриясса Кодекслал лув кличлларгсса статьярдай ккаккан дурну:

-РФ-лул КоАП-рал 14.2 статьялин бувну (“Незаконная реализация товаров, свободная реализация которых запрещена или ограничена”), инсантурай дишайссар 1500-ния 2000 къурушрайн дияннинсса административный аьчла, административный низам зия дурсса затругу (пиротехника) зерххуну, ягу къа-зерххунна; къуллугъирттай зузминнай - 3000-ния 4000 къурушрайн дияннинсса, низам зия дурсса затругу зерххуну ягу къазерххунна; юридический лицордай - 30000-ния 40000 къурушрайн дияннинсса, низам зия дурсса затругу зерххуну ягу къазерххунна;

-РФ-лул КоАП-рал 14.1 статьялул 1-мур бутлулун бувну (“Осуществление предпринимательской деятельности без государственной регистрации в качестве индивидуального предпринимателя”) дишайссар аьчла 500-ния 2000 къурушрайн дияннинсса;

-РФ-лул КоАП-рал 14.15 статьялин бувну (“Нарушение установленных правил продажи отдельных видов товаров”), балугъравун къабивминнан пиротехникалул затру даххаврихлу жаваблущин ккаккан дурну дур - административный аьчла дишин инсантурай 300-ния 1500 къурушрайн дияннинсса; къуллугъирттай зузминнай - 1000-ния 3000 къурушрайн дияннинсса; юридический лицордай - 10000-ния 30000 къурушрайн дияннинсса.

Мунин бувну, Лакрал ва Ккуллал районнай яхъанакъиминнахъ, хаснува балугъравун къабивсса оьрчлал нитти-буттахъ та-вакью буллаи ура, сертификат дакъасса пиротехникалул затру машин кълаласлан. Мукунсса затру къунниялайсса члумал, байрандалул гъантрай члявусса инсантал бавтлсса кланттурдай ишла дуллан оьрчлру мабитари. Мугъаятшиву дакъа мукун дурсса ца даврияту хъун-масса зарал хъуну, зула байрам зия дан буюхайсар.

И.А.Куццев,
ОДУУП-рал ва ПДН-
далул начальник, полиция-
лул майор.

Бувклуна хлурматрайсса хъамал: Ссапар Абдуллаев, Абдулхаликь Абдулхаликов, Сайпуллагъ Абдуразаков, Жамалуттин Махламмадов, Хизри Ильясов, Ильяс Мурадов, Гуршан Хасаева, Махламмад Махламмадов ва цайми.

Хъунклуб шап увкуну бувцуна тамашачитурал.

Шадлугърал гъартасса программа дюхханну дачин дунни Мухеува Жаннал.

Му, циняв ликкурттай бавцуну, тлуртлуна Лакрал гимнрал балай учаврийну.

Цала ихтилат “Лакрал район” МРданул администрациялул баклчи Юсуп Махламмадовлул байбивхуна Мариян Ибрагимовал биографиялул, мунил пагъму-гъунардал, инсаншиврул цаппара лахлардая буслай.

Клици дурна хлакьинусса шадлугъ лахъа-хъундан бувклсса хъамаллурал цларду. Бувсуна ми гъуртту хъушиву Дагъусттаннай сававкарнан 100 шин шаврил циняр савлугъирттай, чларав бавцушиву гъарца ишираву. Цувагу гъуртту-ну Московлий Ятлул Май-

Мариян Ибрагимовал 100 шинал савлугъ

«Кавказ ттун ххирар буттал улча кунма, Аьрасат – нину кунма»

Гъунар бусса чичу, тарихчи, художник, публицист, цланихсса хлакин, Ххутиятусса Мариян Ибрагимован 100 шин шаврил шадлугъру дунни Аьрасатнал, Ставрополлал крайрал шагърурдай, Дагъусттаннал шагърурдай ва районнай: Хасавюртлив, Казбековуллал, Цлуссалакрал районнай, медакадемиялуву.

Московлий, Ятлул майданнив май зурул 31ний хъуссия Марияннул чивчусса 15 том дунияллин буккавил луттирдал ккаккия.

Вана, Гъумук Хъун клубраву декабрьданул 19ний хъунни Мариян Ибрагимован 100 шин шаврин хасъсса хъуннасса батлаву.

творчестволувусса ккак-киарттая чичултрал, ишк-каккултрал, творчестволия хавар бусса машгъурсса инсантурал бусласимур ккак-кан буллалисса кинофиль-мрая.

Ихтилатру бан ччими гъарзасса бия. Цалчин трибуналучлан увккунни лакрал иширттай хъхъичхуттаву гъуртту шайсса РДлул жаматийсса палаталул председателна замесителъ, райондалул лайкьсса хлурматрал инсан Ссапар Абдуллаев:

-Мариян Ибрагимова

М.Ибрагимова зий бивклссар Кисловодскалийсса ца санаториялул хлакинну. Миккугу Марияннул члалачли бувссар цила миллат, дагъусттанлултал ххирашиву, хаснува къашайшалтрал цлулушиву дуруччин чялишну бивклишиву.

Мунил цила байсса бивклссар аьркинсса дарув - дарманну. Мукунсса дарурттугу цал цийва ххал бувну, цукун шайрив ккаккайсса бивклссар.

Марияннул цила къянкъа-шиврул, пагъмулул хлара-



царайрагу къадуркссар. Мунияту Мариян Ибрагимова цила жаматрал, Лакрал, Дагъусттаннал, Аьрасатнал цла бюхттул дувури, цланихсса чичури, хлурматсса гражданини.

Жува хлакьинусса кьинигу хлурматрай клици лагару, абад дару Дагъусттаннал шаэртурал, лахъсса даражалин бивсса инсантурал цларду. Мариянгу лайкьссар му къюкълувун бутан, - увкунни ванал.

Хъирив ихтилат бунни Мариян Ибрагимовал 100 шинал савлугъ Краснодар шагърулий дуллалисса члумал, райондалул вакилтурацал лавгсса, райондалул бугъараминнал Советрал председателъ Даниял Магдиевлул:

-Марияннуя тлутлаву - му ххуйшиврия тлутлаву. Марияннуя тлутлаву бюхт-

тулшиврия тлутлаву, Марияннуя тлутлаву - лакрал шаэрная тлутлаву. Шаэрнал бюхттулшиву цала халкъуннан ххирашиву. Ххаллилсса чичу, гъунар ххисса хлакин зунттаватусса, Лакрал миллатравасса бушаву жуннасса тлитлалар.

Ккурклиятусса Махламмад Буттаев, цувгу та члумалсса обкомрал Има секретаръ Аб.Данияловлул кумагчину ивклсса, буслай иклайва Данияловлул Мариян Ибрагимовал хлакиншиврул, шаэршиврул пагъму члалай, Дагъусттаннал здравоохранениелул министрну битан тлалав буллай ивклишиву, амма му рязи къавхъушиву. Цанчирча му бивклун бунутлий хлакьсса хлакин, цила пиша ххира хъусса. Хлакингу мува шаэрти инсантал хъин байсса.

Ряха цланихсса Аьрасатнал арс ивклссар даруртту цалчин цайва ххалбигъайсса. Миннаву - А.Чехов, Пирогов, “Ппухълу ва арсру” романдалувусса Базаров...

Тлабиатралва шаэрну ляхъан бувсса зунттал ххаллилсса душ Мариян Ибрагимовал цла жувура тачлав хъама къадитантиссар, - тлий ур Даниял.

Ихтилатру ялагу бунни “Цлубарз” журналданул хъунама редактор Хизри Ильясовлул, лакрал чичу, хлакин Ильяс Махламмадовлул. Миннал Марияннул бюхттулшиврия бусаврицал бувккунни сававкарнан хас бувну цала чивчусса шеърирдугу.

Ххутрал жаматрал, Марияннул мачча-ляхъиндарал чулуха барчаллагърал ихтилат бунни РФлул лайкь хъусса энергетик Абдулхаликь Абдулхаликовлулгу.

Ихтилатирттал лях-лях Гъумучиял ва Шавклуллал школарттал дуклаки оьрчлал дуккайва М.Ибрагимован хас дурсса назмрду.

(Ахир 4 лаж.)



даннив хъусса луттирдал выставкалий Марияннул томирдан лахъсса кьимат бивцушиву. Имам Шамиллуя чичлан - буслан къадагъа дусса заманнайва Мариян хъинну хъирив лаллай, нигъа къабувсун датлай бивклишиву Имам Шамиллул цланицилун дархлусса тарихийсса материаллу, ми цацлун дуллай, чирчумурядуллай чларусса шинну хъуну махъ мунил луттирду итабавкъушиву. Даклнин бивчунни бюхттулсса шаэр Расул Хламзатовлул Мариян Ибрагимовая увкумургу:

“Марияннул чивчусса “Имам Шамил” роман - Ккавказуллал дяввилия ва Имам Шамиллуя чивчусса луттирдаву яла ххуймурди”, - тлисса.

Тамашачитуран хъинну хъуннасса асар биян бунни Марияннул оьрмулул иширттая, дуллай бивклимуния, цукунсса бивклссарив,

цуксса бюхттулсса гъунарданул, творчестволул заллу бивклссарив жунма хъиннува члалачли бунни цлана ххал дурсса фильмарлу.

Ттун члурчлав дан ччай бур Марияннул инсаншиврия, хлучи къаучаврия, къянкъашиврия.

Ттул члаххурай ялапар хъанай уссия ца жугъутл миллатрал адамина, Хъун-дяввилул шиннардий Щурагъ горкомрал Има секретарьну зий ивклсса. Му члумал Мариянгу зий бивклун бур Щурагъсса госпитальданий медсестрану. Му адамина буслан иклайва Мариян цимилгу бувклишиву горкомраин цуппа дяввинанин гъан бара, тиккуциясса имюнпат хъунмасса хъунтлссар шиккуния, тлий. Шиккугу ина хъиннува аьркинну бура тлий, бацлан бансса ххуллурду лавшиву.

Хъиривсса шиннардий

чатрайну ябувссар ччянира Ккавказуллал дяввилия, Имам Шамиллуя каних чивчусса томру. Миннуйн дирсса даражалул чичурду



Учредитель:

Администрация
МР «Лакский район».
Учредитель:
«Лакрал район»
МР-далул
администрация

Главный редактор

М. М. Мусалаев
Ответственный секретарь
К. М. Курбанов
Корреспондент
К. М. Курбанов

Опер. комп. набора

Р. И. Джалаева
Тех. редактор
А. М.-Р. Абакаров

Адрес редакции, издателя:

368360, Республика
Дагестан, Лакский район,
с. Кумух, ул.
Сурхайхана-1, 96

Газета набрана
и сверстана на
компьютерной базе
редакции газеты «Заря»
и отпечатана в ГАУРД
«Издательский дом»
«Дагестан»

Адрес:
г. Махачкала,
пр. Насрутдинова, 61.

Срок подписания
в печать 17.00
Подписано в 16.00

Газета выходит
в неделю 1 раз.
Тираж 702 экз.
Цена свободная.

Газета зарегистрирована
Управлением
Федеральной службы
по надзору в сфере
связи, информационных
технологий и массовых
коммуникаций по
Республике Дагестан от
22 августа 2017 г.

Регистрационный
ПИ № ТУ05-00385

*Позиция редакции
может не совпадать
с точкой зрения
авторов, которые несут
ответственность
за достоверность
о объективности
представленных для
публикации материалов.*

Прокуратура

Террорданул давуртту дан лахьхъаврил жаваблувшин

Аьрасатнал Федерация-лул Уголовный кодексрал 205.3 статьялий ккаккан дурну дур уголовный жаваблувшин, агар инсан террорданул давуртту дуллан лахьлай ивкълун ухьурча.

Преступлениелувун дагъайсса давуно ккалли дайссар террорданул давуртту дан ягу Аьрасатнал Федерациялул Уголовный кодексрал 205.1, 206, 208, 211, 277, 278, 279, 360 ва 361 статьядай ккаккан дурсса цания-ца преступление дан лахьлай иклаву, агар лахьлай ивкълманан кълуну бивкълхьурча, му цанма цукунсса мурадрай лахьхьин буллай бивкълссарив.

Аьрасатнал Федерациялул Уголовный кодексрал 205.3 статьялий дур преступлениелувун дагъагъисса давурттал сияхл чирчуну: клицларгсса преступлениерду данса куц, ярагъ, плякъ учин дайсса затру, плякъ учайсса, загъру бусса ва мукунна цайми, лагма-ялтгуминнан нигъачлаву дусса затру ишла дан лахьлай, ларс-

сса кълувивуртту.

“О некоторых вопросах судебной практики по уголовным делам о преступлениях террористической направленности” тлисса РФ-лул Верховный судрал Пленумрал хлукмулул 22.1 пунктлайн буну (09.02.2012 ш., №1), лахьлахьавуну ккалли дан бюхъайссар тахсир хьуманал цайми давурттугу, ми дархлуну духьурча террорданул ишру щаллу бан хладур шаврицлун.

Преступление кьуртал хьувиврун ккалли дайссар гихуннай террорданул давуртту дансса кълувивуртту, бюхьурду, вардишшиннардун ласунсса давуртту дуллай айивхьусса члумал ягу клицларгсса террорданул цания-ца преступление дурсса члумал, му инсаннал ми кълувивуртту, бюхьурду, вардишшиннардун ларсун дунугу, дакъанугу. Яни, террорданул даву дансса мурадрай лахьлай, вардишхъанай ивкълшиврун ккалли аншиврул, гьассар цал дарсирайн гьавугу.

Мариян Ибрагьимовал 100 шинал савлугъ



(Дайдихьу 3 лаж.)

Райондалул культуралул кьатлул зузалтрал, искусстволул школалий вардишхъанакъиминнал ккаккан дунни ххуйну хладур дурсса, тамашачитуран тлааьн дирзсса шадлугърал программа. Члалай бия бавтлцириннан ххуй дирзшиву му хладур дурсса ва тлайла дурксса куц.

Хьирив райондалул администрациялул баклчинал “Барчаллагърал чагъарду” буллуни Мариян Ибрагьимован 100 шин шаврил шадлугъ хладур дан, личи-личисса шагърурдай, районнай дачин дан чларав бавцлусса Ссапар Абдуллаевлул, Сайпуллагъ Абдуразаковлул, Абдулхалик

Абдулхаликьовлул, Жамал Махлammaдovлул, Хизри Ильясовлул, Ильяс Махлammaдovлул, Махлammaд Махлammaдovлул, Гуршан Хасеван, Зулайхат Тахакъеван, Даниял Магъдиевлун, Сайди Ибрагьимовлул, Абдул Юнусовлул ва цайминнан.

Юсуплул хаснува клицл бунни шадлугърал программа хладур дурсса, гьурттушин дурса дуклаки оьрчлахь, культуралул зузалтрахь барчаллагъ тлий ушиву.

Ахирданийгу бавтлцириннал хьинчулий ккарккунни Махлачкъала шагърулул цакучалун Мариян Ибрагьимовал цла дизаву тавакью буллай РДлул Хлукуматрайн гьан дуллалисса оьвчаву.

Террорданул даву дансса мурадрай лахьлай иклаву хъанакъиссар захлматсса преступление. Му статьялий тахсир хьуманан танмихл байссар ацлния ххюнния кьура шинайн бияннинсса хлаллайсса дуснакь увну ягу оьрмулухун дуснакь увну.

РФ-лул Верховный Судрал Пленумрал ялул клицлавгсса хлукмулул клава статьялин буну, агар террорданул ягу цайми иширттайн дагъайсса давуртту дан лахьлай ягу захлматсса преступлениертту дан аьркинмур лахьлай ивкълун ухьурча, му иш ккалли байссар преступление дан хладур хъанай ивкълшиврун.

Мунишала, Аьрасатнал Федерациялул Уголовный

кодекссрал 205.3 статьялий дур бувчлин баву, му статьялий клицларгсса преступление дурма уголовный жаваблувшиндарая мурахас айссар тлий, агар иунал влаьтрал органнан баян барча, цанма лахьхьин буллай бивкълшиву террорданул давуртту дуллан ягу му кодексрал 205.1, 206, 208, 211, 277, 278, 279, 360 ва 361 статьядай ккаккан дурсса цания-ца преступление дан, кумаг барча дурсса преступление аьч дан ягу мукунсса преступлениерду дан лахьлай бивкълсса, лахьхьин буллай бивкълминнан арцу итадакьлай, лахьхьин баву сакин дуллай ягу цала лахьхьин буллай бивкълми ялун личин бан, мукунма лахьхьин буллай бивкълсса кланттурду бусин ва мунал дурмуниву цамур журалул преступление дакъахьурча.

С.Р.Мухlадов,
прокурорнал заместитель, юстициялул ялавайма специалист.

Кълувив зун закон?

Ветеринариялул тлалавшинну

Ветеринариялул надзорданул тлалавшинну биттур дан чарабакъашиву цимилгу баян буну бунугу, уттигу тикрал хъанай дур азарханардай, школарттай, оьрчлал багъирдаву, кафердаву ва цаймигу кланттурдай ишла дан, даххан дуклалакисса ризкьилул дикл, накл, аьнаклив ва миннуя дурмур ларсун букллай бушиву электрон журалийсса ветеринариялул документру бакъа. Ми документру бакъанугу кьамул дуллай, дахлай, машан ласлай бур клицл лавгсса идарттал. Ва ветеринариялул закон лиан давури. Накл ва наклия дурмур, дикл ва миннуя дурмур азарханардайн, школарттайн, оьрчлал багъирдавун, кафердавун диян дан ларсун бувкълукун ми идартттай каялушиву дуллатиминнал аьркинссар ми диян дуллатиминная тлалав бан электрон журалийсса ветеринариялул сопроводительный документ (форма №4), цувгу ласайсса нюжмардий цал, продукциялул гьарца бутлугу.

Мунишала циняв жула райондалийсса диклул, накллил продукция ишла дайсса идарттту, КФХрду, ЛПХрду сияхлрайн ласун аьркинссар ЕГЖ-раву. Ва гьарца накллил, диклул продукциялул аьркинссар электрон журалийсса ветеринариялул документ биклан.

Агар ккаккан дурсса вай тлалавшинну кьадуручирча, ветеринариялул законодательстволин буну, ми тлалавшинну кьадуручлачими административ жаваблувшиндарайн клунклу буллантлссар, РФлул КоАПрал статьядай буну.

Административный танмихлру укунсса бур: ветеринариялул тлалавшинну лиан дурсса агъалинай дишайссар 500 кьурушрая 1000 кьурушрайн дияннинсса аьчла, идаралий - 3000-5000 кь. дияннинсса, физический лицорай 10000-20000 кь. дияннинсса.

Мукунма ца кланая цамур кланайн электрон журалул ветеринариялул документ бакъа ризкьи машиналий, ягу занай бувцун бачирча, ягу миннуя дурсса продукция ласурча дишин ккаккан буну бур агъалинай 3000-5000 кь. дияннинсса, юридический лицорай - 300 азара кьурушрая 500 азара кьурушрайн дияннинсса аьчла. Укунссар Хлукуматрал ветеринариялул надзорданул тлалавшинну. Вай кьадуручлайгу тава-тагу жува кьабитантлссару.

М.Махlаммадов,
Лакрал ва Ккулал районнайсса ветеринариялул инспектор.